

靜海縣志 寅集

土地部

建置志

城池

廨署

地方機關

庠序

校址

倉庾

壇廟

祠祀

津梁

舖舍

墩堞

營汛

靜海縣志

寅集

土地部

一

靜海縣志書局  
天津文竹齋印

# 靜海縣志

## 建置志

建設制置之謂

蓋自古聖教民構木爲巢是爲建築之始堯舜之君土階茅茨至夏桀始作瓦屋周室作明堂起辟雍鳥革翬飛宮室大備設置則見於書召誥相宅洛汭又前朝後市東庠西序等類皆是若因置而建則由諸侯有國大夫有家之義漸進而然漢唐以來內而若寺若府若司若部外而若郡若省若道若縣雖名稱不同要無不城社林立各具規模建置遂爲歷史上之名詞然大都係階級制度封建形式至對於羣衆工業圖書衛生游藝等建置可謂絕無而僅有吾邑新造囿於國體亦復如是然春

## 靜海縣志

寅集 土地部

二

靜海縣志書局  
天津文竹齋印

秋城諸及防凡有土木之興必書重農事也矧防寇賊有城池有營汛育人材有學宮有書院津梁利涉倉庫備荒賢祠聖廟藉示尊崇祭蜡祈蠶有關衣食凡此種種何莫非吾民所片刻不忘者由是擴充之則想像中之新靜海以現在爲未來之基礎可也志建置

## 城池

城城郭也內城曰城外城曰郭池城河也皆保障之用

城池西臨運河成半月形舊城周圍六里以上爲之高二丈五尺池闊三丈建廢年月均無稽考新城土圍三里有奇高一丈五尺基闊三丈八尺至二丈五六尺不等池闊二丈零八寸深七尺有門四南曰聚奎北曰拱辰西曰觀瀾東曰匯泉俱磚甃

門砲臺三座營房四間修築年月如下

同治七年知事陳錫祺創修

光緒四年知事韓耀光重修

光緒二十一年知事史善詒重修

民國九年縣長蘇毓琦補修又令園工局董牛光斗等在

南關外建築涵洞以通護城池

民國十五年縣長李樞補修

廨署 古通稱官署曰廨

縣署 在西門內形勢高爽地址廣闊圍墻獨聳不接民居相傳為靖海侯府之遺跡故非其他縣署之可比擬也咸豐九

### 靜海縣志

寅集 土地部

三

靜海縣志書局  
天津文竹齋印

年知事鄧春林重修大門三間儀門三間大映壁一座大堂三間東西科房十二間東西耳房各三間東西花廳各二間二堂三堂共八間其餘寢室廂房廚房馬廄約共五十餘間此外附屬各辦公處列左

管獄員室 署前左 警備隊 署前右 承發吏室 署前左

政務警察室 署前左 監獄 署前右 看守所 署前左

女看守所 署前右

除以上之監獄係特別建築不計外約共平屋三十餘間署內西院有草亭民國十二年經李縣長樞所建十九年陳縣長雲溥題其額曰伴啡亭二十年陶縣長際唐續以

聯聯曰吹面清風來好伴息肩何日得歸畊以亭基高聳桑麻在望是俱有以畊作重者

河廳 卽主簿署在縣城北角官典民宅非衙署規模今已廢

捕廳 卽典史署在縣治大門內東隅今(已廢)管獄員居之

都閫府 在城內北部早廢

考明官制都司固專閫大員也與藩臬合稱都布按三司其全銜爲都指揮使司正指揮使秩正二品本地方最高武職故有正閫之稱(清都司猶號都閫沿此)貳官則有同知(從

### 靜海縣志

寅集 土地部

四

靜海縣志書局  
天津文竹齋印

二 僉事(正三)猶布政司之有參政(從三)參議(從四)按察司之有副使(正四)僉事(正五)也三司之制正司掌軍政藩司掌民政臬司掌刑名蓋寓軍民分治暨司法獨立之意焉正司設文屬官經歷正副僉事都事等以司使品秩高於藩一級臬二級也故司屬之品秩亦高於藩臬司屬一二級(都司經歷正六布經歷從六按經歷正七餘類推)其體制優崇可以

概見矣

地方機關

自治公所在縣署南瓦屋四十餘間禮堂一座頗宏廠民國十七年國民黨縣黨部成立於此

教育局在縣署東平房十八間禮堂一座倉廩舊址  
公安局在西門外迤南平房四十餘間地址公有  
建設局在自治公所內  
財務局在自治公所內

### 庠序

殷曰序周曰序孟子曰設爲庠序學校以教之

縣學清制有教諭訓導二員原設官署咸豐三年燬於火附學額文庠生十八名外撥府學二名武庠生十五名外撥府學二名

### 校址

縣立第一高初兩級小學校在本城永豐街係瀛海書院舊址

## 靜海縣志

寅集 土地部

五

靜海縣志書局  
天津文竹齋印

縣立第二高初兩級小學校在獨流鎮二道街元善義學舊址

縣立第三高初兩級小學校在唐官屯鎮東南廢孔廟舊址

縣立第四高初兩級小學校在中旺鎮東係藥王廟舊址

縣立第五高初兩級小學校在瓦頭鎮北街係崇善文社舊址

縣立第一女子高級兩級小學校在本城南街節孝祠對過

### 倉庾

倉之無屋者曰庾在邑曰倉在野曰庾

陸氏九淵曰社倉固爲農之利然年常豐熟則其利可久若一遇歉歲則有散而無聚莫若兼置平糶一倉豐時糶之使無穀賤傷農之患歉時糶之以摧富民閉廩騰價之計析所糶爲二每存其一以備荒歉實爲長利也靜邑倉庾實兼漢之常平與

平糶二者自民國以來其制已廢地址有存有無僅志如左  
城內有常平倉額儲穀一萬二千石舊厰五座同治六年知縣  
陳元祿捐建厰一座今爲教育局

預備倉一在縣治南一在主簿廳東南已廢

獨流鎮義倉 唐官屯義倉 子牙鎮義倉 陳官屯義倉

良王莊義倉 雙窰義倉 尙馬頭義倉 南和順義倉

磚塚義倉

壇廟 擇平坦之地以土築成祭所曰壇廟貌也以形容所祀之神或人也

古之神權時代至九黎爲已極天下之人相懼以神相惑以怪  
家爲巫史災禍薦臻厥後君權時代仍以神道設教爲愚民政

靜海縣志 寅集 土地部 六 靜海縣志書局 天津文竹齋印

策之輔助故舊志建設以壇廟爲最沿至今日其不在祀典或  
曾在祀典而後廢罷者此次例應從減惟現在迷信雖漸破除  
而普通心理尙有以爲人事政治之外必須有種種無形之維  
繫者設一律抹煞似非從衆之義况民智見深見淺感想不同  
神權或長或消實際莫諱試看頽垣敗樹恍來弔古之場不妨  
去實留名免從刪詩之例姑志之

孔子廟 明清稱文廟俗曰聖廟民國改稱孔子廟 在城南門內東  
以孔子誕日爲紀念日丁祭各禮廢除

始建自明洪武初年歷世重修清咸豐三年燬同治十一年  
重建清制文廟五楹三戟卽大成殿五楹戟門三此外東西  
廡各五間櫺星門一座東西牌房門各一泮池一映壁一名

宦祠忠義祠崇聖祠鄉賢祠明倫堂各三間四圍垣牆繚繞  
旁有石碣一大書文武官員在此下馬八字當年之崇拜可  
知也

按程綿莊云孔子廟有櫺星門其誤已久不可不知詩經  
小序云絲衣繹賓尸也高子云靈星之尸也漢高祖始令  
天下祀靈星後漢書注云靈星天田星也欲祭天者先祭  
靈星風俗通縣令問主簿靈星在城東南何法曰惟靈星  
所以在東南者亦不知也宋史禮志云仁宗天聖六年築  
南郊壇外壇周以短垣置靈星門夫以郊壇外垣爲靈星  
門者所以象天之體用之於聖廟蓋以尊天者尊聖也其

靜海縣志

寅集 土地部

七

靜海縣志書局  
天津文竹齋印

移用之始始於宋景定建康志金陵新志並言聖廟立靈  
星門惟元志誤以靈作櫺後人承而用之則不知義之所  
在也晉史天文志云東方角二星爲天關其間天門也左  
角爲天田其南爲太陽道右角爲將其北爲太陰道蓋天  
之三門也與後漢書注語正相印證俗儒曲解以爲養先  
於教蓋猶如櫺之爲靈也或曰義取於疏通則直以爲窗  
櫺之櫺豈不大誤余戲題云繹祭靈星有樂章故將聖廟  
比天閭如何能作疏通義鑽入牕櫺上講堂

社稷壇在縣北車店村西

按詩小雅以社以方疏社五土之神能生萬物者以古之

有大功者配之共工氏有子曰句龍爲后土能平九州故配以爲社杜預曰在家則主中霑在野則爲社左傳稷田正也有烈山之子曰柱爲稷自夏以上祀之周棄亦爲稷自商以來祀之禮天子祭地於北郊答陰氣也

風雲雷雨山川壇在縣城南

按前明洪武八年詔以風雲雷雨山川共爲一壇蓋自明以前分壇而祭也

先農壇藉田十畝在縣城東雍正二年建今廢

按先農初藝五穀之炎帝也古者民茹草木之實食禽獸之肉未知耕稼炎帝因天時相地宜斲木爲耜揉木爲耒

靜海縣志

寅集 土地部

八

靜海縣志書局  
天津文竹齋印

始教民藝五穀而農事興焉

厲壇在縣城東北

按厲強死之惡鬼左傳晉侯夢大厲或夢伯有介而行曹邱人罵孫蒯曰爾父爲厲皆是子產曰鬼有所歸乃不爲厲祭之所以歸之也

城隍廟在西門外明萬曆二十四年知縣曹重建後爲邑人元姓捐田若干頃並出資重建現有碑記在大門左內咸豐三年焚燬重修後殿山門各三間土地祠一間

按城隍二字始於周易泰之上六禮伊耆氏始爲蜡伊耆堯也蜡神八水庸居七水隍也庸城也春秋鄭災祈於四



鄗宋災用馬於四鄗庸同以此推之祀城隍蓋始於堯城隍之有廟則始於吳赤烏二年封城隍爲王見後唐廢帝清泰元年封城隍而其夫人見元文宗天歷二年洪武初詔天下府州縣建城隍廟封京城隍爲帝開封臨濠東平和滌爲王府爲侯縣爲伯後遂相沿不改城隍本爲主城郭之神世傳以爲治幽冥事則見夷堅志邑人奉城隍至虔信城隍最篤人亡必邀集親友偕本家眷屬於三日內送亡者魂靈詣城隍廟土地案前涕泣而往輟哭而還以爲人亡以後一切皆城隍司之也

關帝廟在北門外民初改爲武廟台祀岳武穆公又名關岳廟

### 靜海縣志

寅集 土地部

九

靜海縣志書局  
天津文竹齋印

### 春秋兩祭旋廢

按關壯繆一生忠義歷代尊崇又加三國演義宣傳保漢不保曹一語故明朝香火最盛欲藉以團結漢族以禦外也前清入關反利用之造出關公保大清種種不經之說話人民彼時無族種觀念被其所愚關公有知亦當暗笑現廟貌遍全國農商各界至有奉爲財神者崇拜之深溢出忠義之外矣

文昌宮在北街書院內

### 文昌閣

陸清獻公宰靈壽新修文昌祠記云道之顯者謂之文將

相祿命皆權於道明乎非有道者不得與凡世之不以道而得將相祿命者皆非文昌之所授古之祀之者蓋所以答其默相道統之功而非教人禱祠以求寵利也然則祀文昌者可以知所從事矣

八蜡將軍廟在縣北街書院迤西

按禮祀郊特牲蜡者索也歲十二月合聚萬物而索饗之也註先嗇一司嗇二農三郵表畷四猫虎五坊六水庸七昆蟲八謂之八蜡又按劉猛將軍諱承忠元時人勇於捕蝗民爭祀之

魁星閣在東城上康熙二年知縣陳愈捐俸建同治十年重修

### 靜海縣志

寅集 土地部

十

靜海縣志書局  
天津文竹齋印

按星經北斗七星四星方形爲魁亦爲璣璣三星直指爲杓亦爲玉衡象號今之主取運籌之義又爲帝車第一星曰天樞二曰天璇三曰天璣四曰天權五曰玉衡六曰開陽七曰瑤光魁有魁首之義故十八房首謂之十八魁士人應試務在占魁廷對第一名爲大魁世未有不注意於魁者此魁星之所以祀也像塑鬼形上懸一斗旁綴七星象魁字之形從鬼從斗也像君容貌奇偉固不似婦人女子賦理豐肌然果如是之陸離光怪乎哉

三皇閣在南關咸豐三年燬同治九年洋芬港張模重修

按正定府志元時令天下通祀伏羲神農黃帝此三皇廟

之所由來也

玉皇閣在北關

按宋史徽宗政和六年九月帝奉玉册玉寶如玉清和陽宮上玉帝尊號曰太上開天執符御歷含真體道昊天玉皇上帝詔天下洞天福地修建宮觀塑造聖像此玉皇之見於史册者至一朶紅雲捧玉皇我是玉皇香案吏廟詩人寄託之辭非必指通明殿而言也

藥王廟在縣東街已燬其餘鄉鎮多有之

按醫藥製自炎帝不宜稱王岐伯作內經臣也緩與和陪臣也扁鵲倉公末吏也神醫濟世活人均宜祀不專指一

靜海縣志

寅集 土地部

十一

靜海縣志書局  
天津文竹齋印

人稱曰王如海爲百谷王之王非爵也又按世傳藥王爲孫思邈然舊唐書但云高宗朝處士孫思邈者精識高道深達攝生葉夢得避暑錄話云凡修道養生者必以陰功協濟而後可以得仙孫思邈爲千金前方時已百餘歲後三十年作千金翼論今舉世言醫者皆以二書爲司命思邈之爲神仙固無可疑世或因其仙而祀之爲王歟

龍王廟在西門外衛河西岸

按鱗蟲三百六十而龍爲之長固非常鱗凡介之儔也法華經提婆達多品有娑竭羅龍王清御製大雲輪請雨經其中所載龍王極夥非止天龍八部甘露濕霈維龍之靈

龍而王更非凡情所能測矣

眞武廟在縣北街咸豐三年燬同治六年闔邑重修大殿三間九年張謇修山門塑神像鄉鎮亦有之

按眞武水神左傳少昊子曰修熙代爲水正曰玄冥釋家謂之毗沙門天王道家謂之玄天上帝儒家謂之玄武座下一龜一蛇玄武之象也塑其像爲披髮仗劍則從釋道二家之說耳

東嶽廟在縣城內東偏今殘廢

按東嶽太昊氏也以木德王易稱帝出乎震月令孟春其帝太昊是也道家稱爲東嶽天齊大生仁聖帝顧炎武曰

靜海縣志

寅集 土地部

十一

靜海縣志書局  
天津文竹齋印

自晉陸機泰山吟以梁父蒿里並列後之言鬼者因之遂令古帝王封禪之壇變而爲閻王鬼伯之祠矣管輅謂泰山治鬼不能治生人世俗因泰山主人生死之說於是小民之崇奉不遺餘力矣

馬王廟在馬號內同治八年重修十年淫雨傾倒十一年復修按周禮按人春祭馬祖夏祭先收秋祭馬社冬祭馬步注云馬祖天駟先收始養馬者馬社始乘馬者馬步神爲灾害馬者神有四位祭分四時今人稱曰馬明王且爲六月二十三日爲誕降之辰殊屬不經

子孫娘娘廟在縣內東街有尼僧住持鄉鎮恒有之

按詩毛傳曰古者必立郊禩元鳥至之日以太牢祀於郊  
禩求子嗣也

白衣庵在縣北關外僧心廣募化重建

按僧名緇徒白衣則心解佛乘身住塵俗者也錢忠懿王  
夢白衣人求治其居乃卽其地創佛廬號天竺看經院蘇  
東坡雨中遊天竺靈感觀音院詩云蠶欲老麥半黃前山  
後山雨浪浪農夫輟耒女廢筐白衣仙人坐高堂皆指白  
衣觀音今庵中所供之白衣是若周書達奚武登華嶽巔  
爲民祈雨澤藉草而宿夢見白衣人執手相勞苦後漢書  
光武旣渡滹沱河惶惑不知所之有白衣老父在道旁指

靜海縣志

寅集 土地部

十二

靜海縣志書局  
天津文竹齋印

令赴信都雖現白衣非必卽大士化身也

觀音寺在縣北明宏治四年僧會洪理建鄉鎮亦有

按觀世音自在乃西方極樂世界阿彌陀如來之大弟子  
刪提嵐世界無諍念輪王第一太子也菩薩從耳門圖照  
三昧得三摩提故稱觀世音後世庸劣僧尼貪圖布施捏  
造香山卷言菩薩係妙莊王第三女違父出家苦修成道  
不知佛菩薩考據以西來梵典爲眞一切經中佛於觀世  
音皆稱善男子無稱善女人者華嚴經鞞瑟胝羅居士以  
觀世音住處補怛洛迦山指示善則爲說頌曰勇猛丈夫  
觀自在爲度衆生住此山若係女身可稱丈夫乎普陀山

志載康熙二十九年定海鎮藍總戎偕僚屬謁梵音洞見菩薩現身大眉赤面長鬚載在志乘世俗佛塑女流丈夫而加以巾幗其慢神爲何如

大佛寺在縣南曹疙疸內多銅像高者約二丈蓮座周徑丈餘蓮瓣均有施者姓名惟不知年月相傳爲隋朝所建吾邑惟一之古寺也其餘約有四五座

按佛於周昭王二十六年甲寅四月八日降生中天竺淨梵王宮十八歲納妃生子十九歲出家三十歲成道七十九歲示涅槃出衆生於苦海破萬古之昏衢天上天下無如佛者故稱世尊華嚴經偈云佛身充滿於法界普現一

## 靜海縣志

寅集 土地部

十四

靜海縣志書局  
天津文竹齋印

切羣生前世未有大如佛者像設莊嚴固宜爲人所瞻仰雖然佛具法報化三身如太虛體本無來去如水中月應物現形非同幻質之留礙豈合世相之拘墟佛本無相何有於身又何有於大卽佛言大自有其至大者存範金合土以成形其爲大不亦僅哉

## 清涼寺在縣東大糞堆村

按法華經長者以羊車鹿車牛車立門外引諸子出離火宅之難然後但賜諸子大白牛車衆生爲三界火宅所燒如來以方便力爲說三乘引導衆人令諸衆生知三界苦然後但以大乘而度脫之清涼之義蓋取諸此

華藏庵在縣北關外僧彌岫募化修殿三間今廢

按華謂蓮華藏卽臟腑蓮華藏中自一重至二十重有無邊世界無數諸佛顯現其中非莊生所謂卮言日出和以天倪因以曼衍者乎然非虛誕也四生九有同登華藏元門八難三塗共入毗盧性海一言了了萬有空空卽如儒家之所謂聖域何嘗實有此域所謂賢關何嘗真有是關則謂方寸田中有無邊世界亦何不可

華嚴寺在縣東齊家莊

按華嚴之名取大方廣佛華嚴經之義桃李先華後果以喻行布蓮華華果同時以喻圓融是謂華如來說莊嚴佛

靜海縣志

寅集 土地部

十五

靜海縣志書局  
天津文竹齋印

土者卽非莊嚴是名莊嚴青青翠竹總是眞如鬱鬱黃花無非般若山河及大地全露法王身是謂嚴無精進力無智慧心但指全碧輝煌之梵宇爲華爲嚴又足以爲華嚴乎哉

洪陽寺在縣東南大屯

按道家有紅羊劫本作洪陽卽陽九數窮亢龍有悔之謂物過盛而當殺茫茫人海奚取乎劫火洞燒然周易之義以陽爲君子陰爲小人是以大聖人贊易扶陽抑陰懷當陽之貴莫尊於陽卽謂陽之爲象取於洪無取於纖也於理亦洽矣

地藏庵在縣署東南

按地藏王菩薩名號見八大菩薩經及八大曼拏羅經合觀世音彌勒虛空普賢金剛手妙吉祥除蓋障是爲八菩薩菩薩立宏誓願度脫一切罪苦衆生化身徧恒沙界或云菩薩姓傳卽孟蘭盆救母之目連比丘梵笑無徵不可據爲典要世所傳地藏經三卷俚俗支離視楞嚴圓覺諸經之典雅精確判若天淵隋書經籍志大業特令沙門智果撰諸經目分爲三部一大乘二小乘三雜經其餘似後人假託者別爲一部謂之疑經地藏經固當在疑經之列也

靜海縣志

寅集 土地部

十六

靜海縣志書局  
天津文竹齋印

天妃宮在縣城西門內迤南已廢

按天妃海神閩之林氏女以童真得道神靈喧赫洋溢海壖累受勅封號稱天上聖母海船遇風濤危險長跪高呼天后空際有紅燈一盞來住桅上立獲平安法華經普門品云或漂流巨海龍魚諸鬼難念彼觀音力波浪不能侵自來尋聲救苦惟普門大士有呼必應故稱廣大靈感觀世音天妃殆觀世音三十二應之身歟不然何靈異若此說部載天后亦稱媽祖海航遇危急呼天后不如呼媽祖之捷謂呼天后須待整列隊仗而行呼媽祖則聞聲立至也理或然歟



報恩寺在縣西二十七里呼兒莊附近明以前之古刹也  
財神廟在縣城南渡口迤南鄉鎮亦有

### 祠祀

自古祀典所載者曰勤事曰禦災曰捍患曰勵俗以故有功德於天下或於是邦者特崇祀之因民不能忘時時得遂瞻仰焄蒿悽愴若或見之也

曾鞏記顏魯公祠云人之嚮往不足者非祠則無以致其志也

名宦祠 在孔廟內

鄉賢祠 在孔廟內

忠義孝弟祠 在孔廟旁

### 靜海縣志

寅集 土地部

十七

靜海縣志書局  
天津文竹齋印

節孝祠 在縣南街

### 津梁

濟渡處曰津立橋水上以便行人曰梁說苑十月而津梁成

瓦子頭崇善橋在縣西二十五里跨居子牙河建於清乾隆二十九年同治五年重修民國十年本鎮紳商以年久傾圮交通梗阻募款改建鐵樑石柱定名崇善橋並在南街建築會所勒石以作紀念

碑見文藝志

惠豐橋在縣東南五十七里跨居滅河南北往來之大道

東西勾樂石橋在縣東南四十五里

王兒莊石橋在縣西南三十二里建築於清初年係子牙河滅河所經今已廢

于家莊東西石橋在縣東八里河廢

潮宗橋在縣東南八十里跨減河

燒窰盆濟運橋在縣東南五十五里

縣城渡二一在眞武廟西一在十街街西口

獨流大橋渡在縣北二十一里

獨流渡在縣北十八里有南北中三渡

唐官屯渡在縣南五十里有大小二渡

子牙渡在縣西南三十五里

陳官屯渡在縣南二十五里

釣台渡在縣南二十五里

靜海縣志

寅集 土地部

十八

靜海縣志書局  
天津文竹齋印

長屯渡在縣南二十里

雙塘渡在縣南十二里

高官屯渡在縣南三十二里

靳官屯渡在縣南五十六里

李振基屯渡在縣南六十二里

大邀堡渡在縣西南三十里

第六堡渡在縣西北二十六里

北五里莊在在縣北五里

劉家營渡在縣北十二里

岳家園渡在縣北二十五里

水高莊渡在縣北二十七里

當城渡在縣北三十里

沙窩渡在縣北三十五里

辛口渡在縣北三十五里

慈兒莊渡在縣東南五十里

### 驛鋪

唐六典云駕部郎中掌天下之傳驛凡三十里一驛天下凡一千六百三十有九驛

元太宗設站赤站赤者傳驛之譯名也蓋以通達邊情宣布號令古人所謂置郵而傳命者也

### 靜海縣志

寅集 土地部

十九

靜海縣志書局  
天津文竹齋印

元世祖於內地州縣設急遞鋪量道路遠近人數多寡或十里或二十里則設一鋪每鋪置鋪丁五人以將送行人明承元制稍變通之二十里有馬鋪有歇馬亭卽周禮所謂路室也六十里有駟騶有餼給卽周禮所謂候館也且分置守兵以衛行旅而使交通以上錄中國文化史

在城鋪鋪司四名鋪兵二名

雙塘鋪鋪司三名

釣臺鋪鋪司三名

良王莊鋪鋪司二名

天津府鋪鋪司五名

以上清末年均廢

墩堡

平地起土堆曰墩以土築成小城曰堡  
唐書旁河相險集樹堡障

南路三座 王千戶莊 張官屯 東雙塘 北路四座 五

里舖 七里舖 良王莊 小店子 共七座均坍塌

營汛

清制千總把總外委所屬之綠營兵曰汛

良王莊把總汛分管衛河東岸北自天津縣胡羊莊起南至田  
家堤止計長四十里西岸北自埕沱嘴起南至喬家堤止計  
長四十九里額設河兵三十名

在城主簿汛分管衛河東岸北自田家堤起南至陳官屯止計  
長四十一里西岸北自喬家堤起南至曹家疙疸止計長四

靜海縣志

寅集 土地部

二十一

靜海縣志書局  
天津文竹齋印

十一里額設河兵二十名

唐官屯千總汛分管衛河東岸北自陳官屯起南至青縣馬廠  
止計長四十六里西岸北自曹家疙疸起南至青縣趙家窪  
止計長四十里餘額設河兵四十名

獨流鎮把總西汛專管千里長堤即格淀堤南自五堡起北至  
杜家道溝止計長五千三百丈共二十九里四分四釐四毫  
額設河兵十名

在城營都司一員舊署在南門內咸豐三年燬故於西門外賃  
住民房管轄王慶坨獨流在城三汛額設馬兵十八名步兵  
四名守兵一百五十五名

存城汛經制外委一員舊署在北門內咸豐三年燬賃住民房  
獨流汛把總一員額設馬兵三名守兵三十三名

四黨口營守備一員管轄陳官屯唐官屯馬廠青縣興濟羊兒  
莊同居嚴鎮李邨存營十汛額設馬兵十二名守兵三十四  
名

陳官屯汛經制外委一員額設馬兵九名守兵二十五名

唐官屯汛把總一員額設馬兵十一名守兵二十三名

以上清末已廢

鄉邨 錄舊

東路一百零六邨地練十五名

東街地練經管八邨

縣東街 東五里莊 東邊家莊 小李莊 東 窰

畢家莊 西邊家莊 徐家莊

磚梁地練經管五邨

磚 梁 三小寨 大 寨 官家屯 劉唐莊

雙窰地練經管五邨

雙 窰 董家莊窰 閻家塚 楊成莊 梅 廠

大泊地練經管八邨

靜海縣志

寅集 土地部

二十二

靜海縣志書局 天津文竹齋印

大 泊 小 泊 團 泊 宮吳堡 大侯莊 小金莊

小孫莊 小年莊

小韓莊地練經管六邨

小韓莊 王穩莊 二侯莊 西亂坨 張家莊 東亂坨

常流莊地練經管六邨

常流莊 大劉唐莊 小劉唐莊 國家莊 馬 圈

趙連莊

管鋪頭地練經管七邨

管鋪頭 陳家臺 孫家莊 吳家莊 王家莊 閻家莊

卞家莊

沈青莊地練經管九邨

沈青莊 樹深 小王莊 李官莊 小蘇莊 小新莊

劉崗莊 種福臺 甜水井

中旺地練經管七邨

大中旺 小中旺 丁家莊 梁莊 張高莊 謝高莊

韓家莊

和順地練經管八邨

南和順 和順 張家莊 徐家莊 陳在莊 南拋莊

中拋莊 北拋莊

曲河地練經管七邨

靜海縣志

寅集 土地部

二十三

靜海縣志書局  
天津文竹齋印

大曲河 小曲河 斑高莊 李高莊 港裏邨 李家莊

羅家莊

尙馬頭地練經管八邨

尙馬頭 巨家莊 龐家莊 邱家莊 王虎莊 安家莊

大屯 蠻家井

土河地練經管七邨

土河 蔡公莊 楊家場 亞家莊 劉祥莊 灣頭

四黨口

大莊子地練經管八邨

大莊子 薛家莊 西勾樂 趙齊莊 小屯 十槐邨

團瓢 慈兒莊

順民屯地練經營七邨

順民屯 小莊子 西翟莊 東勾樂 小王莊 中翟莊

東翟莊

南路九十五邨地練十二名

縣南街地練經營十七邨

縣南街 小城南 胡家園 上三里莊 下三里莊

楊李院 大城南 王家樓 高家樓 范家莊

八里莊 增福堂 史家莊 三明莊 小黃莊

前雙柳樹 後雙柳樹 于家莊 靳家莊

靜海縣志

寅集 土地部

二十四

靜海縣志書局  
天津文竹齋印

雙塘地練經營五邨

東雙塘 西雙塘 周莫董家院 小薛莊 楊家園

長屯地練經營六邨

曹家疙疸 潘家疙疸 小集邨 西長屯 東長屯

譚家疙疸

陳官屯地練經營三邨

陳官屯 小鈞臺 西鈞臺

高家莊地練經營六邨

大糞堆 大王莊 小王莊 高家莊 李八莊 崔家莊

齊家莊地練經營七邨



楊學士莊 小王莊 李靖莊 齊家莊 岳家莊  
胡家莊 白公坨

寨裏口地練經營十郵

鄒家嘴 紀家莊 胡家辛莊 趙家窪 東釣臺

高官屯 王官屯 張官屯 呂官屯 劉官屯

大郝莊地練經營十四郵

大郝莊 蠻子營 夏家莊 孫壩口 繳家莊 張家莊

佟家莊 胡家莊 周家莊 呂家溝 小郝莊 鄭家莊

小十八戶 膏澤郵

唐官屯地練經營三郵

靜海縣志

實集 土地部

二十五

靜海縣志書局  
天津文竹齋印

唐官屯 夏官屯 翼家園

靳官屯地練經營十二郵

大張屯 長張屯 只官屯 趙官屯 靳官屯

王千戶莊 梁官屯 王善政屯 又新莊 李振基屯

一里屯 趙幸莊

楊官店地練經營六郵

燒窑盆 楊官店 陳缺屯 小伊莊 徐李莊 國家莊

舊張屯地練經營五郵

舊張屯 曾官屯 戴官屯 劉世印屯 王勝武屯

西路六十九郵地練十一名

西五里莊地練經營八邨

西五里莊 馮家邨 河灘 上口子門 下口子門

義渡口 高莊 龍王廟

花園地練經營八邨

花園 郭毛院 祿家院 高家莊 破樓 鄧家莊

玉田莊 谷家樓

賈口地練經營二邨

東賈口 西賈口

谷家莊地練經營六邨

谷家莊 辛邨 羅家堂 孟家莊 張家莊

靜海縣志

寅集 土地部

二十六

靜海縣志書局  
天津文竹齋印

梁頭地練經營六邨

梁頭邨 李家莊 孫家莊 東柳木勺 西柳木勺

小民莊

東河頭地練經營八邨

東河頭 于家邨 南柳木勺 王家莊 周家莊

吳家莊 羅家莊 南張莊

灘子頭地練經營八邨

西灘子頭 元蒙口 東灘子頭 中灘子頭 王匡

譚家莊 張邨 姚家莊

禪房地練經營六邨

宗保邨 王二莊 許家莊 西禪房 中禪房 東禪房

子牙地練經營七邨

子牙 大堯圃 小堯圃 大黃欽莊 小黃欽莊

焦家莊 潘家莊

瓦子頭地練經營十邨

大瓦子頭 小瓦子頭 朱家邨 丁家邨 劉家邨

小劉家邨 前呼兒莊 中呼兒莊 後呼兒莊 常家邨

洋芬港地練經營三邨

洋芬港 閻張舖 癩柳樹

北路七十八邨地練十名

靜海縣志

寅集 土地部

二十七

靜海縣志書局 天津文竹齋印

北街地練經營十二邨

縣北街 小新莊 口子門 劉官莊 北五里莊

小店子 傅家邨 車店 賈官莊 孫家場

前楊家莊窠 後楊家莊窠

白羊樹地練經營九邨

白羊樹 府君廟 李家院 王家院 十里堡 菩提窪

劉家營 苟家營 王家營

蕭家樓地練經營七邨

蕭家樓 劉家邨 杜家嘴 尙家莊 李家樓 王家堡

王家莊

獨流地練經管八邨

獨流 義和莊 南王家莊 第三堡 下圈

張家邨 胡家邨 第六堡

當城地練經管六邨

當城邨 水高莊 辛口邨 鄭家莊 桑園邨 碾砣嘴

良王莊地練經管八邨

良王莊 三小屯 大杜莊 王家邨 岳家園 邢家莊

倪家園 羅鍋莊

沙窩地練經管七邨

大沙窩 岳家開 小沙窩 小杜莊 畢家邨 宣家院

靜海縣志

寅集 土地部

二十八

靜海縣志書局 天津文竹齋印

郭家莊

木廠地練經管四邨

木廠 馮高莊 東桑園 胡羊莊

琉璃城地練經管七邨

西琉璃城 房家莊 康家莊 宣薛莊 閻家莊

宮家莊 小店子

青凝侯地練經管十邨

青凝侯 大南河 小南河 傅家邨 牛家坨 寬河

老君堂 大圈子 小圈子 東琉璃城